





第六八八册

四庫全書

●上海古籍出版社

本冊目次

歷代通畧
附歷代通略蒙求

十七史纂古今通要

學史
史糾

元陳樸撰……………一

元胡一桂撰……………一一一

明邵寶撰……………三三七

明朱明鎬撰……………四五二

欽定四庫全書

史部
歷代通略卷一

詳校國子監司業臣納麟寶

編修臣程嘉謨覆勘

總校官檢討臣何思鈞

校對官編修臣沈清藻

謄錄監生臣華

欽定四庫全書

史部十五

歷代通略

史評類

提要

臣等謹案歷代通略四卷元陳櫟撰是編叙

歷代興廢得失各為論斷每一代為一篇自

伏羲至五代為二卷北宋南宋則各占一卷

蓋詳近畧遠之意也南宋止于寧宗卷末櫟

自跋謂理度二朝無史可據也舊本題增廣

欽定四庫全書

史部十五

歷代通略

通畧而不言因誰氏之言千頃堂書目有通

畧句解五卷亦不言作者櫟自跋謂金事廷

方雖畧述亦以未見其史不敢輕筆然則廷

方其原撰是書之名字歟其時代姓氏爵里

則無考矣書成于至大庚戌明正統壬戌櫟

孫盤之婿漢陽知府王靜得本于鄉人方勉

始刊行之此本則袁應兆所刻題乙亥歲不

著年號後附櫟家求一篇其家求末四韻兼

及明初句下註曰此八句為朱楓林所增然

原文迄於厓山句下註宋為元通云云殊不

類當時之語殆亦有所改竄矣是書雖撮叙

大綱不免簡畧而持論醇正以資考證則不

足以論是非則讀史者固有取焉乾隆四十

六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

歷代通鑑輯覽

二

歷代通鑑序

余自弱歲弄柔翰而觀羣書竊好通鑑為用世所資如
紫陽全書系統既詳屬辭復博誠有功聖門與六經並
垂不易矣但通人過眼有得而小學輒苦汗漫罕能旁
徹不無望洋自失之嘆定宇先生學有本領析理精實
嘗取歷代通略而增廣之鑽研補益不倚於藻績不涉
於褒侈大都刪煩歸簡指其要領以授而又補缺正訛
寢暇不誣雖節取事辭要以綱目之與前續篇不外是

欽定四庫全書

歷代通鑑

一

矣惜刊板歷久湮落識者慨焉茲值郡守陸公志崇風
教喜著書訓世獲陳生文科所藏原本善之曰懿哉集
也質而不蕪亦詳而有體前人用心良苦非我誰為章
顯者遂裁正而叙之屬余重梓以廣其傳於不朽母猶
得其少遺其多哉蓋言有累牘而滋疑理有單詞而已
解治書之法在約之以標其指非約之以去其要故不
詳則亦不能略能略必不失其為詳是書略於人者未
嘗略於其故略於事者未嘗略於其志從來治亂之原

較然槩如列眉聯若編珠所謂一弓其海味玄尊有餘情者也又惡用泛泛若涉水於滄茫游游若獵獸於廣野敵精叢叢求無掛漏至智浪紛競口咎鼻酸而不知近乎況張敬夫曰通鑑有未盡處縱使懷抱羅今古討論窮藝府而博而實要勞而少功奚益哉余不敏食素宮牆嘗嚮著述仰止高風師資自幸茲復樂先生所以為惠來學之願有成殆士類之鴻寶非一家之天球後之覽者一讀即了當不苦緒聞之難竟更不見意義之不足也歲乙亥仲秋既望蓬萊後學袁應兆撰并書

欽定四庫全書

歷代通鑑

三

欽定四庫全書

歷代通鑑卷一百一

三皇

元 陳櫟 撰

伏羲

風姓都宛丘

惟天生民必立君長以司牧之自上古以來為天子者如所謂有巢燧人之類事不經見荒遠難信也三皇之名著見於易稽古者必自是始焉太昊伏羲之王天下

欽定四庫全書

歷代通鑑

也有龍馬負圖出於河伏羲法而象之始畫八卦以通神明之德以類萬物之情造書契以代結繩之政繇是文籍生焉造化之道秘洩於此列聖之道統亦始於此矣古之民處於草野未知農桑惟逐捕禽獸食其肉衣其皮始教之為網罟以佃以漁又教之養六畜馬牛羊豕以充庖宰以供犧牲故號伏羲氏亦號庖犧氏焉

神農

姜姓都于陳遷曲阜

伏羲氏沒炎帝神農氏繼之教民斲木為耜採木為耒

以播種百穀民食以充故號神農氏又以一人所為不足自養必通工易事貿遷有無乃教民日中為市致天下之民聚天下之貨交易而退各得其所此農商所繇起而斯民養生之具略備矣

神農字百州知藥此方技家說經史不載今畧之

黃帝

公孫姓長子姬水又姬姓

神農氏沒蚩尤作亂軒轅黃帝治五兵

子天戈父子

以征之

戰于涿鹿之野殺蚩尤諸侯皆歸黃帝黃帝又與神農氏子孫戰于阪泉勝之諸侯共尊黃帝為天子兵事乃

欽定四庫全書

歷代通鑑輯覽

卷一

二

始于此矣又始制軒冕垂衣裳貴賤有等上下有序而天下大治作舟楫以濟不通服牛乘馬引重致遠在位百年而後崩焉伏羲神農黃帝是為三皇三皇之書謂之三墳三墳不傳自孔子時已然矣

五帝

少昊

金天氏已姓都曲阜

顓頊

高陽氏姬姓都帝丘

帝嚳

高辛氏姬姓都亳

三皇已往五帝繼之少昊顓頊高辛唐堯虞舜是也五

帝之書謂之五典自孔子時少昊顓頊高辛之典已不復存所存惟堯舜二典而已少昊金天氏黃帝之子也顓頊高陽氏父曰昌意黃帝之孫也先是皆以天瑞為官師之名如雲龍鳥火之類至是始為民師而命以民事焉帝嚳高辛氏黃帝之曾孫玄枵之孫蟠極之子也五帝官天下官以傳聖賢以此見少昊傳之顓頊顓頊傳之帝嚳皆非傳子而傳賢也

唐堯

伊祁氏都平陽

欽定四庫全書

歷代通鑑輯覽

卷一

二

三皇莫聖於伏羲五帝莫聖於唐堯堯年十六自唐侯為天子禮樂之彰法度之著人時之敬授民俗之雍熙後世言治者莫先焉推其本原亦由修身以齊家治國平天下而已克明峻德以親九族修身以齊家也九族既睦平章百姓齊家以治國也百姓昭明協和萬邦治國以平天下也此後世聖人大學之宗祖也在位七十載知其子丹朱之不肖聞虞舜之聰明而欲遜以位焉將以諸艱試之先以二女女之

娥皇女英

曰觀厥刑于二女

觀其修身以齊家而知其治國平天下也舜可禪乎堯
茲試矣試舜三年舜攝而退老二十八年然後堯崩在
位通百有一年壽百有十六歲德莫聖治莫加在位莫
久享年莫壽盛矣哉亘古今不能及也

虞舜 姚姓都蒲阪

虞舜繼堯而帝孔子稱其無為而治以其紹堯極治之
後無事乎作為也然舜之有為皆已在攝位二十八年
中矣任四岳命九官咨十二牧用君子也罪四凶去小

欽定四庫全書

卷一百一十五

人也事難事之親而替瞽瞍除難除之患而洪水以
平功以九叙故韶樂以九成盡善盡美亘古莫及堯以
大聖人作於前舜以大聖人繼於後前後二百年間泰
和極治誠天地間貞元會合之一大幸會也在位併居
攝八十年壽百有十年仰視帝堯重華匹休亦盛矣哉
舜之子商均亦復不肖捨之而傳禹焉

三王

夏 如姓都安邑

禹為夏后氏崇伯鯀之子也鯀以治水無功而殛禹治
水有功而興掩父之惡為子則孝勤君之事為臣則忠
卓乎為三王之始禹吾無間然矣禹之相舜也陳克難
之謨與皋陶共政也明知人安民之謨一二言而關君
道治道之大非徒言者其治水也順五行之性行其所
無事八年於外胼手胝足勤亦至矣神龜負書出於河
洛法而則之類為九疇書曰天乃錫禹洪範九疇傳道
秘於天也堯授舜曰允執其中舜授禹曰人心惟危道

欽定四庫全書

卷一百一十五

心惟微惟精惟一允執厥中堯以是傳之舜舜以是傳
之禹傳道統於帝也禹吾無間然矣禹娶於塗山氏其
子曰啓啓賢能敬承繼禹之道禹之末年欲傳天下于
益禹崩天下之民不歸益而歸啓皆曰吾君之子也則
傳子非禹本意也三王家天下家以傳子孫開萬世家
天下之端自禹始然孟子曰天與子則與子民之歸啓
則天之子啓禹豈以天下私其子哉啓立有扈氏逆命
啓征扈與戰于甘之野滅之啓崩子太康立盤游無度

敗于洛表十旬弗返有窮后羿因民咸貳距于河廢之

立太康弟仲康而相之仲康崩子相立羿代夏政相以

失國依於同姓諸侯斟灌及斟鄩氏羿之家臣寒浞殺

羿代之浞使澆滅二斟殺夏后相當是時夏祚已絕矣

相后緡方娠逃出自竇歸於有仍緡有仍女生少康焉為仍

牧正又逃奔有虞為諸侯之後為之庖正虞思妻以二姚而

邑諸綸有田一成五百有衆旅五百能布其德而兆其

謀以收夏衆靡自有禹氏收斟灌斟鄩之遺民以滅浞

而立少康祀夏配天不失舊物夏業遂中興焉後世言

中興者當自少康始少康其中興之賢君靡其中興之

賢佐歟自禹六世而為少康自少康九世而為孔甲孔

甲之時夏德已衰諸侯多叛之又自孔甲四世而為桀

滅德作威伐有施氏得其女妹喜嬖之荒淫無度開龍

逢諫殺之諸侯叛夏歸商湯湯夏伯爵桀因湯於夏臺

既而釋之湯後與伊尹興師伐夏戰于鳴條克之遂放

桀於南巢夏祚滅焉夏傳世十七君四百四十有一年

商 子姓都元

湯革夏而立國號商亦號般舜司徒契之後也為夏方

伯葛伯不祀湯始征之自是十一征而無敵於天下伊

尹耕于莘野使人以幣聘之使三返乃至伊尹以為桀

君也湯臣也捨君助臣不可也去亳適夏既而知桀終

不可輔復歸湯與謀伐桀焉湯以免舜禹以揖讓有天

下而已乃以征伐曰予有慙德仲虺乃作誥釋其慙蓋

桀之虐天人棄之湯亦順天命應人心耳以臣放君雖

非順天地之經順天應人要亦達古今之權湯不得而

已也乃改夏政代虐以寬顯達之忠良旁求之俊彥今

不能一二數其大者伊尹桀朱仲虺之徒是也伊尹以

天民之先覺佐湯開六百年之基言三代相業者以伊

尹為首稱焉湯崩太子太丁未立而卒外丙生方二年

仲壬生方四年太甲以嫡孫立既立不明欲敗度縱敗

禮伊尹屢諫不聽恐王習於不義將與性成不得已放

王於桐宮尹攝行政事三年王悔過遷善尹復奉王歸

而相之太甲由是能保惠于庶民克終湯業享國三十三年而崩伊尹可謂處君臣之變而不失其正矣太甲而後五世而為太戊伊尹之子陟為相平歲共佐之亳有祥桑穀共生于朝一暮大拱太戊懼伊陟曰妖不勝德太戊嚴恭祗懼不敢荒寧殷道復興享國七十五年為商中宗太戊崩子仲丁立遷都于囂其孫河亶甲遷于相殷復衰祖乙遷于耿又六世而為盤庚避水災復遷于亳又三世而為武丁夢帝賚之良弼乃以形旁求

欽定四庫全書

歷代通鑑輯覽

于天下傳說築野肖焉王召與語果賢立以為相殷以中興享國五十九年後世謂武丁得一傳說而為高宗信矣自湯以來賢聖之君六七作蓋謂此也又八世而為紂都朝歌淫酗于酒其下化之伐有蘇獲其女妲已嬖之惟婦言是用作炮烙之刑以取妲已笑剗剔孕婦斲朝涉之脛醢九侯比干強諫紂怒曰吾聞聖人心有七竅剖比干心箕子懼佯狂為奴紂囚之微子恐殷祀絕去之周紂專任嬖臣飛廉惡來暴虐無道罪浮于桀

周武王伐之諸侯不期而至者八百國殷之士女皆篚厥玄黃簞食壺漿以迎周師紂率其旅若林會戰于牧野紂卒不戰前徒倒戈攻于後以北紂走登鹿臺自焚死商遂滅自湯至是蓋二十八世六百四十有四年

周 姬姓都鎬

周之先始于棄為唐虞后稷佐禹治水播時百穀封於邠其曾孫公劉能修后稷之業遷國于豳民多歸之又數世而為古公亶父是為太王修后稷公劉之業去豳

欽定四庫全書

歷代通鑑輯覽

邑于岐山之下居焉國始號周肇基王迹周業寔盛太王之時已有翦商之志矣太王三子長泰伯次仲雍次季歷季歷生子昌有聖德太王知其將必興周也欲傳季歷以及昌泰伯知之與仲雍逃之荆蠻太王薨季歷立是為王季王季薨昌立是為文王徙都豐為殷西伯大邦畏之小邦懷之虞芮之君爭田相與朝周將質于文王入其境耕者讓畔行者讓路入其朝士讓大夫大夫讓卿二君慙相謂曰我等小人不可以履君子之庭

乃相讓以其所爭田為閒田天下聞之歸周者四十餘國紂怒囚文王于羑里諸侯皆從之囚紂懼而歸之文王益發政施仁整兵以伐諸侯之不道者伐崇密阮共黎皆勝之三分天下有其二猶服事殷當是時紂之亡形已著周之興運已成宜王不王文王可謂至德也已迨至武王紂之惡愈益紂周之王其得而已乎自三代以來周之積累其源最遠故其綿歷最長宜也武王克殷一戎衣而天下大定乃偃武修文追王太王王季文

欽定四庫全書

卷一

王徙都于鎬興滅國繼絕世訪箕子陳洪範封紂子武庚于殷以守湯祀命王弟管霍蔡三叔監之又大封同姓之國通道九夷八蠻得周公召公太公毛公畢公之徒為之佐人才之盛比隆唐虞盛矣武王立四年而克商克商七年而崩壽九十三成王誦立年方十三周公為冢宰攝政三叔流言煽武庚以作亂周公東征殺武庚管叔囚蔡降霍三年而歸卜宅洛邑為王者朝會諸侯之地命曰成周然王猶都鎬謂之宗周焉周公輔成

欽定四庫全書

卷一

王制禮作樂經制大備與召公夾輔周室以致太平古今相業莫如周召盛矣成王崩子康王立修文武成王之業成康之世刑措不用者四十餘年太平極治比隆唐虞文武成康父子祖孫聖賢相繼者二百年後世謂太和在唐虞成周宇宙間貞元會合之運亘千古而僅兩見者歟康王沒昭王繼之南征濟漢沉沒不返周人諱之不赴告諸侯周綱陵夷漸見於此子穆王立征犬戎得白狼白鹿以歸自是荒服不至以造父為之御車轍馬跡將周天下賴祭公謀父作祈招之詩以止王心王是以獲沒于祗宮焉又四世而至夷王王室卑弱下堂而見諸侯其子厲王淫昏無道國人謗王王怒監謗者以告則殺之國人莫敢言道路以目王喜曰吾能弭謗矣召公曰防民之口甚於防川壅而潰傷人必多王不聽後二年民不堪命作亂流王于颯太子靖匿於召公虎之家大臣共和行周政凡十四年厲王死大臣奉靖立之是為宣王共和罷宣王能內修外攘南征北

伐復文武之境土周以中興又不幸幽王繼之沉溺淫
佚讒譖竝進政煩賦重民不聊生娶申后為后生太子
宜臼又得褒姒嬖之生伯服乃廢申后放太子於申以
褒姒為后伯服為太子以妾為妻以孽代宗父子夫婦
之間紊矣申侯與犬戎攻周殺幽王于驪山下立太子
宜臼是為平王平王東遷洛邑以避狄難錫京遂為秦
有而西周之業終焉詩曰赫赫宗周褒姒滅之可哀也
已夏之興以塗山其亡以妹喜商之興以有娥其亡以

欽定四庫全書

歷代通鑑輯覽

妲己周之興以太任

文王

邑姜

武王

其亡以褒姒人君

不能修身以齊家信不能治國平天下也平王感申侯
立己之德而忘其報君父之讐不撫其民遠戍母家知
有母不知有父綱常絕矣黍離降為國風王室列于諸
侯詩亡而春秋作焉孔子蓋不得已也自是周室微弱
政令不行諸侯交爭更相吞併而齊晉秦楚始大矣秦
跡熄霸圖興齊桓晉文秦穆宋襄楚莊五霸始出矣秦
秋二百四十二年間王室多難子頹之亂惠王出奔賴

虢公鄭伯殺子頹而納惠王惠王欲廢太子而立寵子

帶賴齊桓公會諸侯于首止而定太子叔帶之亂襄王

出奔賴晉文公殺太叔而納襄王他如平王室城成周

不一而足是齊晉諸國有尊周室之功也然霸者以功

利假仁義故雖為功之首亦罪之魁焉自武王至幽王

十二世都錫京是為西周自平王東遷洛陽以後謂之

東周平王至元王十四世春秋時也後有貞王考王威

烈王至赧王六世戰國時也春秋以來晉有天下之半

欽定四庫全書

歷代通鑑輯覽

諸侯莫強至戰國時晉大夫韓趙魏氏鼎分晉國威烈

王命之列為諸侯司馬氏通鑑託始于此咎王不能自

守其名分然自膠舟楚澤

昭王

周綱陵夷其所繇來也久

矣戰國之時大國有七齊楚燕秦韓魏趙而秦最強肆

其虎狼之暴以吞噬六國蘇秦張儀之徒復以口舌揮

闔之合六國為一以抗秦此蘇秦合從之說也離六國

之交以事秦此張儀連衡之說也然六國之心終莫一

六國之勢日以羸秦自孝公用商鞅以來內立法度外

修征戰新創六國之民首虜以數十萬計者不知其幾
十戰也當是時周徒建空名不絕如線春秋之時諸侯
猶知以尊周為名至戰國末諸侯不復知有周且各僭
稱王矣至秦昭襄王五十三年報王入秦而周始亡周
之歷世三十有五歷年八百六十有七年卜年卜世卒
過其歷自有天地以來享國最為長久等百世之王悉
無能及之者非文武成康之澤入人之深孰能致是哉

秦 嬴姓都閼中

欽定四庫全書

歷代通鑑輯覽

秦之先為周孝王所封其後漸大周伯爵諸侯也昭襄
王時周雖已亡六國尚存歷孝文莊襄王以至始皇負
少年英銳之氣奮累世之餘烈蹙六國而夷之首滅韓
次滅趙次滅魏又次滅楚滅燕滅齊而天下盡為秦有
矣自以為德兼三皇功過五帝小三王之稱王而稱皇
帝焉執敲朴以鞭笞天下取帝王經理之制一切掃除
之封建廢而為郡縣井田廢而開阡陌儒則坑之六經
則焚之名城則隳之鋒鏑則銷之尚功利而棄禮義務

富強而忘孝弟古人之良法美意無毫髮存方且苦役
其民窮奢極侈役之以作咸陽之宮室窮兵黷武役之
以築萬里之長城聞亡秦者胡之識却匈奴七百餘里
始皇之心自以為子孫帝王萬世之業也欲心無厭求
僊客死李斯趙高矯詔殺太子扶蘇立少子胡亥亡秦
者胡其是也夫胡亥立是為二世愚騷昏暴虐秦脉而
亡之民不勝刑駭懼思亂二世不知也秦滅六國楚最
無罪南公之言曰楚雖三戶亡秦必楚既而楚人陳勝
吳廣呼於前劉邦項羽應於後亡秦者果楚焉諸豪傑
共立楚懷王孫心未幾尊為義帝義帝遣將攻秦約先
入關者王之漢高祖時為沛公以寬大長者受命入關
趙高弑二世立子嬰為秦王高祖克關中子嬰降秦遂
以亡自吞周以後歷三十五年始滅六國自滅六國後
僅十四年遽失天下且呂不韋大賈後為秦相約已孕之妾於
莊襄而生始皇始皇呂氏子也人見秦滅於二世子嬰
耳豈知嬴氏之秦已滅於呂政之繼也哉得天下以多

欽定四庫全書

歷代通鑑輯覽

殺不仁享國無長久理不足論也而古今宇宙之大變
良可重慨自秦以前王澤未泯一宇宙也自秦以後王
澤盡斬又一宇宙也帝王相傳之法封建等秦一掃而
空之至今不能復秦暴戾滅裂之法則自漢襲秦至今
有不能變者古今宇宙之大變得乎不於此焉判乎

前漢 劉姓都關中亦曰西漢

秦失其鹿豪傑並起而逐之寬仁無如漢高帝勇悍無
如項羽羽本受命救趙擅兵入秦憤高帝先入關銳欲

欽定四庫全書

歷代通鑑輯覽

十五

攻之會于鴻門遜謝僅免觀高帝入關秦民安堵除秦
苛法約法三章庶幾湯武弔民伐罪之師羽也殺子嬰
焚咸陽屠戮而東秦民大失望已可知劉之必興項之
必亡矣羽方且違義帝之約王高帝於漢中自號西楚
霸王放弑義帝直謂天下莫已敵也高帝知人善任使
好謀能聽得張良蕭何曹參韓信陳平諸賢才佐助之
還定三秦與羽百戰於滎陽成皋間能用三老董公之
言名羽為賊聲其弑君之罪羽卒兵疲食盡身繫漢兵

蓋羽凶暴則不仁弑逆則不義高帝寬厚之資縞素之
舉於仁義俱有合焉誅秦懲項理固宜矣提三尺劍五
載而成帝業天下已定徙都關中封功臣王諸子次律
令制禮儀規模亦畧定矣然帝不修文學羣臣亦無高
見遠識者禮儀律令制多襲秦報功封國竟為亂階終
帝之身反者九起誅韓信醢彭越戮黥布斬陳豨諸將
殆無一全寵戚姬趙王以蓄呂氏之憤身沒之後呂后
因彘戚氏鳩如意肆其毒焉亦高帝有以啓之也戰國

欽定四庫全書

歷代通鑑輯覽

十五

之末匈奴始大高帝因叛臣韓王信追擊匈奴被圍平城
七日乃解匈奴之強已見於此乃能念創夷之未起勉
與和親取家人子名公主以妻匈奴帝王御外夫豈無
策至與為婚失之遠矣自是而後中國往往往襲是為柔
遠之計其失實自高帝開之惠帝嗣興柔弱早世呂后
臨朝遂王諸呂幾危劉氏開萬世母后竊權之端實始
於此平勃安劉不得無過北軍一呼卒誅諸呂援文帝
而立之帝恭儉寬厚出於天資養老賑窮鵠然三代風

象躬耕籍田租賦歲減導民敦本以致殷富欲創露臺
間費百金而止身衣弋絺集上書囊為帷所幸慎夫人
衣不曳地詔舉賢良求直言之士袁盎等諫說雖切常
假借納用焉尉佗之叛王南粵以一詔柔之匈奴寇邊驛
出則止吏安民樂戶口歲蕃風俗篤厚幾致刑措斯民
出戰國以來百戰屠戮之餘而逢此何其幸哉雖獄周
勃殺薄昭文帝母弟寵淮南王帝弟私鄧通小近臣不為無失然
終為西漢賢主也景帝遵業五六十年之間國家無事

欽定四庫全書

歷代通鑑輯覽

十八

家給人足貫朽粟陳風俗移易黎民醇厚班固稱之以
為周云成康漢言文景美矣惜景帝以無寵廢正后而
夫婦之誼薄以母失愛廢太子榮而父子之愛虧過愛
梁王帝弟輕許傳位而兄弟之好不終信讒用姦誅申屠
嘉戮晁錯殺周亞夫而君臣之道缺以博局殺吳世子
加以削地太驟激七國反用師誅夷而同姓之恩乖又
其甚者疑文帝令臣民短喪之詔身以嗣子自不行三
年喪上虧先王孝理天下之道下開人君不能終喪之

失蓋其天資刻薄任數非文帝比特節用愛民一事克
遵前業耳班史比隆成康之言其溢美哉王通取漢七
制前漢凡四君武帝宣帝而景帝不與焉意以是也武
帝初立年方十六罷黜百家表章六經詔舉賢良興起
太學雄材大畧高視百王亦英主也然承文景之富庶
侈心一生濟以多欲欲事征伐則開西域有事西南夷
衛青五出而匈奴服霍去病三出而昆邪降欲事土木
則廣上林苑穿昆明池營千門萬戶之宮立神明通天
之臺欲求神僊則用文成尊五利如東萊如泰山遣燕

欽定四庫全書

歷代通鑑輯覽

十九

齊方士求蓬萊不死之藥多詐如公孫弘聚斂如桑弘
羊慘酷如張湯杜周險巇如江充則信而用之老成如
申公正直如汲黯醇儒如董仲舒則疎而遠之既而財
用虛耗海內蕭然則權酒酷造皮幣筭鹽鐵筭舟車甚
至租六畜以給之凶年災異姦究並起則遣繡衣直指
之使嚴峻以勝之用相雖多曾不擇人數更驟易被殺
者五色衰愛弛廢陳皇后巫蠱事興殺戾太子君臣父

子夫婦之間一至於此考其平生異秦皇者無幾然秦

亡而漢存何也秦皇迷繆卒死于行武帝知悔下哀痛

詔封富民侯

田千秋

擢搜粟都尉

趙過

以與民休息一也秦

皇國本

太子

不定委任宦者趙高武帝知霍光之忠使佐

昭帝二也秦世積暴虐漢世積寬厚三也秦皇焚書坑

儒武帝尊經好儒四也一存一亡豈偶然者孝昭以十

四之年能辨上官桀之詐委信霍光垂拱仰成可謂賢

明矣當時承武帝靡敝之後霍光能納杜延年之說修

欽定四庫全書

卷一百一十五

五

孝文時政示以儉約寬和罷鹽鐵榷酤均輸官輕徭薄

賦百姓充實稍復文景之舊此於培養國脉最有功焉

使昭帝天假之年加以伊周之佐周成王不能過也昭

帝早世無嗣輕立昌邑王

武帝孫賀

霍光之過也不得已廢

昌邑迎曾孫病已

太子孫

立之是為宣帝亦霍光之功也

宣帝起自民間知民疾苦霍光既卒始親政事天資英

明勵精為治丙吉魏相同心輔政信賞必罰綜核名實

樞機周密品式備具更稱其能民安其業漢世良吏於

斯為盛立諸經博士文雅翕然可謂中興比迹高宗周

宣矣然帝嚴厲有餘寬厚不足霍光忠烈如此不免亦

族之誅趙

漢蓋

韓延壽

之才駢首就戮政雖嚴厲

偽增戶口而蒙顯賞者有之至若用恭顯而啓元帝之

信宦者貴許史而啓成帝之信外戚西都之亡端自宦

官外戚始雖號中興實基亂亡可嘆也元帝暗弱不明

優游無斷雖相貢禹薛廣德匡衡諸儒而未嘗得真儒

之用知蕭望之之忠善善而不能保知弘恭石顯之姦

欽定四庫全書

卷一百一十五

五

惡惡而不能去羣凶得志虐害忠良專任中官大臣具

位孝宣之業於是衰焉成帝善修容儀臨朝淵默然湛

于酒色而尊寵飛燕之姊妹

以趙飛燕為后其妹合德為昭儀

委任外

家而通侯王鳳之弟兄劉向王章朱雲梅福之忠鯁卷

不見納杜欽谷永張禹孔光之諂諛寵固祿堅漢祚奄

奄卒以無嗣良可悲也哀帝以定陶共王之子入繼大

統睹孝成之世權柄下移於是屢誅大臣期則武宣然

天性昏愎憎疾忠賢董賢何人始終顯寵享年不永而